

Oqaasiliortut Ataatsimiinnerat
Pingasunngorneq januaarip 28-anni 2009 nal. 10.00
Ilimmarfimmi Oqaasileriffiup ataatsimiittarfiani.


Peqataasussat: Ellen J.Karlsen, Abia Abelsen, Stephen Heilmann, Eva Møller Thomassen aamma Carl Chr. Olsen
Allatsi: Katti Frederiksen

Oqaluuserisassatut siunnersuutit:

1. Tikilluaqqusineq
2. Kingullermik ataatsimiinnermit imaqarniliaq
3. Saaffiginnissutit suliassartallit:
 - a) Naturfag kalaallisut qanoq taaguuteqassava? (Anna Heilmann)
 - b) ...ajortumilli..
 - c) sitemap, tamarlisit aamma links
 - d) det gyldne snit
 - e) taaguut *inuusuttut inatsisartui*
 - f) KNR-imit apeqqutit: sociologi oqaatsillu allat
 - g) Oqaaseq qissertaartsitsineq
 - h) Funktionchef kalaallisut
 - i) USB – Ippiarsuk?
 - j) frankering
4. Oqaatsinut politik
5. Ukiumi nutaami pingaarnersiuinissaq
6. Oqaatsit nalunaarummiittussat
7. Allat

Inussiarnersumik inuulluaqqusilluta
Carl Chr. Olsen
Siulittaasoq

Katti Frederiksen
Allatsi



- 1. aamma 2. pillugit -

Siulittaasoq tikilluaqqusereermat decembarimi imaqarniliami naqqitassat naqqiissutigineqareermata akuerineqarpoq. Makkua naqqiissutigineqarlutik Peqqinnikkut ajoquteqarneq, naanerit 'gu' aamma 'gut' nassuiarneqarneranni oqaaseqatigiit kingulliit ataatsit peerneqarput, aammalu økologisk mærkede produkter tassaassallutik akoorutissaligaanngitsut.

- 3a pillugu -


KIIN-imit naturvidenskabelig faggruppip kalaallisut qanoq taaguuteqarnissaa Oqaasiliortunut saaffiginnissuteqarmat Oqaasiliortut isumaqarput **Pinnortitami ilisimasassat** taaguutissatut tulluurtuusoq, tassani ataatsimut pineqarlutik kemi, geografi aamma biologi.

- 3b pillugu -

Saaffiginnissut allattaasitaamut tunngasuunerusoq nassuiarneqassaaq oqaatsit mut-imik mit-imillu naanillit uiguuserneqarnermikkut assigiimmik nipilimmik taaneqartarmata (aamma allattaasitoqqami), naak allanneqarnerani uiguutip sorliup atornerarnera allattaasitoqqami takuneqarsinnaasaraluartoq. Pingaarnerli tassaasoq oqaatsip pineqartup oqaaseqatigiinni atuuffiini oqaatsinut allanut sanilliullugu eqqortumik paasineqarsinnaanissaa paatsuungassutaalissanngitsoq.

- 3c pillugu -

Sitemap kalaallisut taaguuserneqarpoq **nittartakkamut ilisserut** Link/links kalaallisut pisortatigoortumik taaguuteqalerpoq **innersuussissut** Oqaaseq tamarlisit oqaluttuaaqqanut nuannersunut nutaarsiassannguanulluunniit tunngatillugu atorniarneqarluni isumavianut tulluunnersoq apeqqutigineqarmat tamanna Oqaasiliortunit akuersaarneqarluni nassuiaatigtineqassaaq tamarlisit suusinnaammataluunniit, soorlu tamalaat sunilluunniit imaqarsinnaasut.



- 3d pillugu -

Det gyldne snit kalaallisut pisortatigoortumik akuerisamik taaguuseqquneqarmat Oqaasiliortunit oqallisaangaatsiareerluni taaguuserneqarluni aalajangiivigineqarnissaa kinguartinneqarallarpoq.

- 3e pillugu -

Taaguut atugaallualereersimasoq **Inuusuttut Inatsisartui** iluarineqarani Oqaasiliortunut ingerlateqqinneqarsimavoq. Oqaaseq inatsisartut siullermik atulerami Danmarkimi folketingimut taaguutitut atorsimavoq, aatsaalli kalaallit namminneerlutik inatsisartoqalernermikkut Danmarkimi inatsisartut folketingimik taagorneqalersimallutik. Inuusuttut inatsisartui inatsisartuiit suleriaasii malillugit sungiusarlutik sulisinneqartarput, aammali suliaat inassutaallu ingerlateqqinneqartarput tusaaniarneqartarlutillu, taamaattumik taaguut Inuusuttut inatsisartui Oqaasiliortut tamarmiullutik akuersaarpaat.

- 3f pillugu -

KNR-imit oqaatsit saaffiginnissutit ilaat pillugit Lisathe M.Kruse nassuiaassuteqareerluni oqaatsit makkua ilaatigullu qangaaniit taaguuteqareersut erseqqissarneqarput:

Repræsentantskabet - sinniisuutit

Sociologi – inooqatigiit pissusiinik ilisimatusaatit, inooqatigiinni ilisimatusaatit

Biathlon - timersuutinik marlunnik unammineq

Langrend – sisoratinik ujakkaarneq


Skøjte – sukuutserneq

Klassisk – qangatoorneq

Skiskydning – sisorarluni ooqattaasarneq

- 3g pillugu -

Qissartaarneq oqaasiunersoq imaluunniit aqassutaannaanersoq apeqqutigineqarmat oqaasiusoq nassuiarneqarpoq isumalik: sumut tamaanga



saaqattaarpoq, Jonathan Petersenip Ordboogeraliaani allassimapputtaaq qisserpoq tassa ammut pissippoq, tingivoq (immamut), qissertaarpoq (meerannguaq) = qissikalavoq. Schultz-Lorentzenip ordbogiani ima qallunaatut nutserneqarsimalluni qisserpoq: springer op, gør luftspring (børn).

- 3h pillugu -

Funktionchef kalaallisut ima taaguuserneqarpoq **atorfillit qullersaat**. Ilanngullugu eqqaaneqarpoq KANUKOKA saaffigineqassasoq kommunit kattussuunnerannut atatillugu atorfiit arlallit pilersut kalaallisut assigiimmik taaguuteqartiternissaannik suleqatiserinnilluta, ilanngullugulu aamma taallugu Kommuneqarfik Sermersuup taaguutit Oqaasiliortunut suliaritissimasaat akuerisat ingerlateqqinneqarnissaannut suleqataasinnaannginnersut.

- 3i pillugu -


USB kalaallisut taaguuteqartilerniarlugu saaffiginnittoqaralarpoq, maannali USB atugaallualereersoq tamatigoortumillu taaguutilik USB-mik taaguuteqaannarnissaa aalajangiunneqarpoq.

- 3j pillugu -

frankering kalaallisut qanoq taaguuteqarnera saaffiginnissutigineqarmat ordboginiittoq maliinnarlugu frimærkiliinermik taaneqartassaaq, naak naluneqanngikkaluartoq frimærkit atornagit aamma naqitsissummik allakkat poortukkalluunniit nalingat naqiterneqartaraluartut, taamaattoq frankeringsmaskine taaguuteqarpoq frimærkilersuut.

- 4. pillugu -

Oqaatsinut politikimut siunnersuutip tusarniaassutigineqalerneranit Oqaasiliortut immikkut oqaaseqaatiliortutik ataatsimiinnissaat februaarip aallartinnerani pisussanngorlugu aalajangerneqarpoq. Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup qinnutigaa tusarniaanermi oqaaseqaatiginiakkat



naalakkersuisoqarfimmit tiguneqareersimassasut **kingusinnerpaamik**
februaarip ulluisa 20-anni 2009.

- 5. pillugu -


Ukiumi nutaami pingaarnersiuinissaq pillugu siulittaasoq nassuiaateqarpoq ukioq manna Oqaasileriffimmit pingaarnersiukkatut suliarineqassanersut. Oqaasiliortut, Inuit Aqqinik Akuersisartut, Nunat Aqqinik Aalajangiisartut suliaat ingerlareersut ingerlaqqissapput, taamatuttaaq ilex-imik suliniarnermi nunat aqqinillu nalunaarsuinermi aningaasanik qinnuteqarfissat qinnuteqarfigineqassapput. Oqaasiliortunittaaq erseqqissaassutigineqarpoq naak ulluinnani Oqaasileriffiup ingerlanneqarnerani aammalu Oqaasiliortut sulinerat immikkooraluartoq taamaattoq Oqaasileriffiup aamma pingaartitai Oqaasiliortunit pingaartinneqarlutik suleqatigiissutigineqarsinnaapput. Oqaaseqatigiinnut misissuissut parserprojekt ukioq manna immikkut aningaasaliiffigineqanngitsoq, unittoorallartutullu isikkulik, Oqaasiliortunit assut pingaartinneqaraluartoq nalunaarutigineqarpoq, tassami suliap taassuma pingaarutillip ingerlalluaraluartullu taamatut inissinnera uggorineqarluni.

- 6. pillugu -

Oqaatsit nalunaarummiittussat amerlangaatsiarmata ataatsimiinnerup avataani Oqaasiliortunit misissoqqissaarneqariarlutik naqqiissutissartaat mailikkut piaakannersumik nassiuteqquneqarput.

- 7. pillugu -

Tele Oqaasiliortullu qanimut suleqatigiinnerat siorna unittoorsimasoq arlaatigut aallartisarneqaqqinnissaa anguniarlugu Tele allaffigineqassaaq taaguusikkat nutaat sitemap pillugu isumaanik tusarniaatigalugit. Ilanngullugu taaneqarpoq Oqaasiliortut ataatsimiititaliallu allat ullormi ataatsimi ataatsimiittarnerat ilaasortat ilaannut kipiluttunarsinnaasarmat siunissami tamanna pinngitsoortinneqarsinnaappat iluassagaluartoq.



Inussiarnersumik inuulluaqqusilluta

Carl Chr. Olsen

Siulittaasoq

Katti Frederiksen

Allatsi

Januaarip 28-anni oqaatsit akuerisat:

Naturvidenskabelig faggruppe - Pinngortitami ilisimasassat

Sitemap - nittartakkamut ilisserut

Link - innersuussissut

Ungdomsparlament - Inuusuttut Inatsisartui

Repræsentantskabet - sinniisuutitat

**Sociologi - inooqatigiit pissusiinik ilisimatusaatit, inooqatigiinni
ilisimatusaatit**

Biathlon - timersuutinik marlunnik unammineq

Langrend - sisoratinik ujakkaarneq

Skøjte - sukuutserneq

Klassisk - qangatoorneq

Skiskydning - sisorarluni ooqattaasarneq

Funktionchef - atorfillit qullersaat

USB-nøgle - USB

Frankering - frimærkiliineq